

竈王尊經全卷





淨心神咒

太上臺星 應變無停

驅邪縛魅

保命護身 智慧明淨

心神安寧

三魂永久 魄無喪傾

淨口神咒

丹朱口神 吐穢除氛

舌神正倫

通命養神 羅千齒神

却邪衛真

喉神虎賁 炁神引津

心神丹元

令我通真 思神煉液

道炁常存

淨身神咒

靈寶天尊

安慰身形

弟子魂魄

五臟玄冥

青龍白虎

隊仗紛紜

朱雀玄武

侍衛我真

安土地神咒

元始安鎮

普告萬靈

岳瀆真官

土地祇靈

左社右稷

不得妄驚

回向正道

內外澄清

各安方位

備守

壇帝家

庭

太上有命

搜捕邪精

護法神王

保衛誦經

皈依大道

元亨利貞

淨天地神咒

天地自然

穢氣分散

洞中玄虛

晃朗太元

八方威神

使我自然

靈寶符命

普告九天

乾囉答那

洞罡太玄

斬妖縛邪

殺鬼萬千

中山神咒

元始玉文

持誦一遍

卻病延年

按行五岳

八海知聞

魔王束首

侍衛我軒

凶穢消散

道炁常存

金光神咒

天地玄宗 萬炁本根 廣修億劫
證吾神通 三界內外 惟道獨尊
體有金光 覆映吾身 視之不見
聽之不聞 包羅天地 養育群生
受持萬遍 身有光明 三界侍衛
五帝司迎 萬神朝禮 役使雷霆
鬼妖喪膽 精怪忘形 內有霹靂
雷神隱名 洞慧交徹 五炁騰騰
金光速現 覆護真人

祝香神咒

道由心學

心假香傳

香爇玉爐

心存帝前

真靈下盼

仙旆臨軒

令臣關告

逕達九天

玄蘊咒

雲篆太虛

浩劫之初

乍遐乍邇

或沉或浮

五方徘徊

一丈之餘

天真皇人

按筆乃書

以演洞章

次書靈符

元始下降

真文誕敷

昭昭其有

冥冥其無

沉疴能自痊

塵勞溺可扶

幽冥將有賴 由是昇仙都

竈王尊經上卷

志心皈命禮

身原甲乙。命數東宮。惟始炎德。以化身尊。
秉五星而首用。燒丹煉汞。尅西生中。或布
雲而行雨。或秉炁以化凶。無情有事。填實
白空。家家戶戶。

司命之尊。大悲大願。大聖大慈。東厨司命。
竈王府君。恭炷真香。虔誠上啓。

太上無極大道。三十六部尊經。玄中大法
尊師。

道言昔登昆侖之山。有一老母。上通天界。
下統五行。達乎神明。關乎二炁。在天則爲
天帝在人乃爲司命。又爲北斗七元使者。
主人壽命長短。富貴貧賤。管人職祿。掌人
住宅。十二時辰。每月朔日。記人善惡。錄其
輕重。夜半奏上天曹。定其簿書。悉是其母
也。敢問斯言。幸垂教示。是以合衆竭誠。皈
神皈命。人各恭敬。天地臨位。司命竈君。世

人恭敬。福祿咸寧。去除災難。疫癘潛奔。仰
依誨示。普得安寧。三昧火出。五色烟生。人
不知其中妙趣。故不免一顧神驚。以土爲
安宅。視水若比鄰。無論富貴貧賤。皆與吾
相親相愛。也不須朝山拜佛。也不必禮懺
諷經。祇要你把吾前打掃的潔潔淨淨。本
是吃齋體。難將五葷禁。善善惡惡在吾心。
每到庚申月晦夜。虔誠敬茶一瓶。信香三
炷。人把我早夕恭敬。我包彼福壽康寧。

竈王尊經中卷

天地開辟。吃的是毛。喝的是血。爰鑽木而
取火。百姓才知烹飪。佐太一造化之功。助
渾提元孕之妙。是爲太上無尊之神。管人
善惡。恒河沙數民。恒河沙數神。恒河沙數
身。世上無處無我。敬之以香燈。不知敬我
以潔淨。孝你父母。才是敬我。和你兄弟才
是敬我。妯娌和睦。才是敬我。夫婦如賓。才
是敬我。能信神明。才是敬我。厨登牛犬。穢
氣觸我。我必降灾。婦女不潔。臭氣衝我。我
必降灾。一家吵鬧。使我不安。我必降灾。行

諸惡事。視我無如。我必降災。每月晦日。奏
人善惡。上帝耳目。實我是尙。上帝喉舌。實
我是司。吾神不大。吾神非小。自有天地。即
有吾神。禍福之權。上帝授我。我是其人。降
以禍福。士不入我祿籍。我不奏帝。難望功
名。農不入我福籍。我不奏帝。難望發達。工
賈醫卜。我不佑彼。無處可行。凡是人類。以
我爲主。大惡大災。小惡小災。上帝賜福。先
問于我。上帝降禍。先向于我。天上無我。耳
目無人。地下無我。生死不分。家中無我。善

惡不明。風雷聽我號令。雨旱由我傳奏。世上之人。速速敬我。各人想想。不敬父母。天雷劈之。不敬尊長。王法處之。不敬三寶。刑禍隨之。不敬吾神。即不敬天。不敬吾神。即不敬地。不敬天地。天地不容。不敬吾神。吾神容乎。降以灾病。暗奪冥紀。家內小故。皆吾所使。家內小祥。皆我所佑。每日晨起。盥洗焚香。恭讀一遍。心體力行。求子得子。求富得富。求壽得壽。婦人念此。百病不生。家長念此。百福駢臻。有事念此。轉禍爲祥。無

事念此。添子益孫。富者念此。永遠不貧。貧者念此。得利致富。若謗吾言。吾神削紀。吾神至尊。其勿忽吾。

竈王尊經下卷

志心皈命禮

命承北斗。位鎮東厨。爲五祀之尊。得九靈之道。作上天之耳目。司上下之灾祥。記錄功過。權衡善惡。造化悉由于水火。萬民皆賴爲陶甄。禍福總歸于善惡。六耗悉皈于醮謝。四時迪吉。八節呈祥。叩之則應。有感必通。

大悲大願。大聖大慈。本家司命。太乙奏善。
竈王府君。

吾以道果圓滿。得鎮斯位。作人間司命之主。爲上天耳目之神。上自天子。下及庶黎。咸歸掌握之中。群入注錄之內。因有善惡。陳于天。凡有惡。總申于地。其間男女。有不忠不孝。不仁不義。不友不恭。不良不順。以致大奸大惡。有悖綱常。有乖理論。一一記載。無俟咎刻。即以升聞。或當富而奪其籍。或當貴而除其名。或當長壽而易爲短命。

或當安存而轉作危亡。依人所犯。以加譴責。世人不語。自謂已所獨覺。人不知見。殊不知暗室虧心。神目如電。意念起時。早已鑒之。彼人身中。有三尸神。有本命星官。本宿神將。又況家有先靈祖考。戶有糾察神君。兼之香火福神。無鞅聖衆。布列森嚴。爲善爲惡。鬼神斷無不知。吾之職司一家之性命。未嘗滲泄分毫。不曾姑寬寸尺。善即表揚。惡即震怒。視四海之人心。如粟粒竅。操六合之功過。

猶如反掌。無論貴如帝王。顯如卿相。賤入編氓。愚如悍婦。悉不能卜。一日有十二時。時時俱在。一年有十二月。月月不遺。古初人情淳樸。無詐無虛。不欺不誑。天道佑之。鬼神護之。時和年豐。民安物阜。沴氣不行。一切灾害妖孽。俱不得肆。上兆景星慶雲之祥。下徵風調雨順之瑞。君民安享其業。斯稱盛世。近日人心奸宄。子不孝于親。臣不忠于君。卑幼不敬于尊長。媳婦無禮于舅姑。甚而動口咒

詛。指天誓地。每日祇以使心用心爲能。
終歲但以瞞人騙人爲智。愚痴蠢婦。不
柔其性。在內强悍高聲。或對竈而妄言
綺語。或對竈而歌吟哭泣。口中不潔不
淨。罵兒罵女。怨天怨人。陰觸鬼神。莫此
爲甚。有種饕餮。徒貪口腹。不念性命。宰
牛馬。烹豬羊。割鷄犬。殺鵝鴨。以及飛潛
等物。羅而登之于庖厨。冤氣不息。忍于
見聞。祇求適口。妄爲造孽。如此之人。罪
不容逭。故不憚殷勤。詳爲開諭。富貴之

家。吾司其命。貧賤之室。吾宰其權。即以
巢穴以居。蓬茅而處。凡炊爨所在。吾即
在焉。顯化一身。不見有餘。分而佰千身。
萬億身。恒河沙數身。不見不足。靈通三
界。神遍九天。正直不曲。公平無私。所喜
者。家有孝子。可愛者。國有忠臣。猶冀兄
友弟恭。夫和婦順。廣行善事。多積陰德。
知過即改。知善即爲。彌天之罪。一悔便
消。百全之行。實時當勉。若人于每月三
十日。讀誦此經。可以削其怨尤。若齋醮

之家。能誦此經。當爲保奏。善功完結。即降吉祥。學道之士。切勿勤始怠終。有誤前程。居室之人。亦須革故鼎新。以資源本。無貴無賤。共宜兢惕。遂前世之因。不墮于今生。茲今生之因。克培于後世。八難三途。苦趣永免。四生六道。惡報長消。九祖先靈。同登極樂。五親白丁。共入蓮臺。乃說偈曰。太上竈神。奏善府君。烟火在處。即寫真形。視之不見。聽之不聞。善善惡惡。毫裏分明。有善必注。薦揚帝庭。

以彰善報。子貴孫榮。有惡必錄。上呈玉
京。以示惡報。身滅家傾。每當月晦。一度
一呈。天地覆載。大德日生。廣運無邊。至
公至仁。世能體此。永享太平。說偈已畢。
聲徹上下。功參乾坤。

爾時。神將猛吏。童子郎君。咸稽首禮謝。
踴躍歡喜。信受奉行。

收經贊

監齋大神。司命竈君。永鎮家宅保安寧。
善事奏天庭。惡與無聞。盛德合乾坤。

太乙奏善竈王府君三稱

願此誦經功德 祈福赦罪消愆

一門老幼吉慶 四時灾疫遠遣

有求悉蒙感應 身謝保奏升仙

刮鑊忌日

正月初一 初二 初三 初四 初七 初八 初九 十二 十四 十七 廿三 廿七 三十
二月初一 初三 初四 初七 初八 初九 十四 十五 十七 廿三 廿七 三十
三月初一 初三 初四 初五 初七 十四 十五 十七 十九 廿三 廿四 廿七 三十
四月初一 初三 初四 初七 十四 十五 十七 廿三 廿四 廿七 三十
五月初一 初三 初四 初七 初九 十四 十五 十七 廿三 廿四 廿七 三十
六月初一 初三 初四 初七 初九 十四 十五 十六 十七 廿三 廿四 廿七 三十
七月初一 初三 初四 初七 十四 十五 十七 廿三 廿四 廿七 三十
八月初一 初三 初四 初七 初八 十四 十五 十七 廿二 廿三 廿四 廿七 三十
九月初一 初二 初三 初四 初七 十四 十五 十七 十八 十九 廿三 廿四 廿五 廿六 廿七 三十
十月初一 初三 初四 初七 初九 十四 十五 十七 廿三 廿四 廿七 三十
十一月初一 初三 初四 初七 初九 十四 十五 十七 廿三 廿四 廿七 三十
十二月初一 初三 初四 初七 十四 十五 十七 十八 廿三 廿四 廿七 三十





道學經典系列藏書